

金陵全書

金陵全書

甲編·方志類·府志

至正金陵新志

(二)

(元)

張鉉修纂

南京出版社

圖書在版編目 (CIP) 數據

至正金陵新志/ (元) 張鉉修纂. — 影印本. — 南京
: 南京出版社, 2010.10
(金陵全書)
ISBN 978-7-80718-656-4

I. ①至… II. ①張… III. ①南京—地方志—元代
IV. ①K295.31

中國版本圖書館CIP數據核字 (2010) 第202915號

書 名 【金陵全書】 (甲編·方志類·府志)

至正金陵新志

編 著 者 (元) 張 鉉 修纂

出版發行 南京出版社

社址: 南京市成賢街43號3號樓 郵編: 210018

網址: <http://www.njpbs.com>

聯系電話: 025-83283871 (營銷) 025-83283883 (編務)

電子信箱: njpbs1988@163.com

統 籌 杞 勇 樊立文

責任編輯 許小彥 陸永輝 吳新婷

裝幀設計 楊曉崗

責任印製 孫偉實

制 版 南京新華豐制版有限公司

印 刷 南京凱德印刷有限公司

經 銷 全國新華書店

開 本 889×1194毫米 1/16

印 張 156.75

版 次 2010年11月第1版

印 次 2010年11月第1次印刷

書 號 ISBN 978-7-80718-656-4

定 價 2400.00 元 (全三冊)

金陵新志卷之五

山川志總序

易曰地勢坤坤於卦位西南故岷嶓之山大勢
皆自西南而趨東北朱文公謂岷山之脉東爲
衡山者盡於洞庭之西其一支南出而東度大
庾嶺者則包彭蠡之源而北盡乎建康山之所
趨水亦至焉今大江入海處去建康甚近而淮泗黃河之流亦會於其北故
建康者東南之奧區而山水之都會前志叙之
曰鍾山來自建業之東北而向乎西南大江來

自建業之西南而朝於東北由鍾山而左自攝
山臨沂雉亭衡陽諸山以達于東又東爲白山
大城雲穴武岡諸山以達于東南又南爲土山
張山青龍石硤天印彭城鴈門竹堂諸山以達
于南又南爲聚寶山戚家山梓桐山紫巖夏侯
天闕諸山以達于西南又西南綿亘至三山而
止于大江山言葛亮所謂龍盤之勢也今按自土山石
硤而上下臨沂攝山諸山背隨蔣山之脈沿江逆
流而上非自蔣山分而向左其聚寶山自天闕
牛頭山降勢自東南而西而北而東北其石脈
渡城濠止於周處壠後謂之朱雀園宜此謂自

竹堂而南亦非姑以明由鍾山而右遜之爲覆

舟山爲鷄籠山皆在宮城之後東南利便書曰吳太初宮晉太

初官及利朝宮闕皆北接覆舟山之麓又北爲

直瀆山大壯觀山四望山以達于西北又西北

爲幙府盧龍馬鞍諸山以達于西是爲石頭城

亦止于江此亮所謂虎踞之形也其左右群山

若散而實聚若斷而實續世傳秦所鑿斷之處

雖山形不聯而骨脈在地隱然相屬猶可見也

左則方山石碗山之間右則盧龍山馬鞍山之

間耆老相傳皆以爲秦始皇鑿斷長隴之所

石頭在其西三山在其西南兩山可望而挹大江之水橫其前秦淮自東而來出兩山之端而注于江此蓋建業之門戶也覆舟山之南聚寶山之北中爲寬平宏衍之區包藏主氣以容衆大以宅壯麗此建鄴之堂奧也自臨沂山以至三山圍繞於其左自直瀆山以至石頭沂江而上屏蔽於其右此建鄴之城郭也玄武湖注其北秦淮水遶其南青溪縈其東大江環其西此又建鄴天然之池也

龍川陳亮論建鄴形勢東環平岡以爲重巒故武朝

以爲險據秦淮青溪以爲阻是以王氣可乘而運動如意昔人詩詠石頭城有山圍故國潮打空城之句則石城實臨大江今大江遠石頭玄武湖洄爲平田青溪九曲僅存其一皆非昔矣然此論環城數十里之山川耳其居秦淮之源有東廬山華山臨丹楊湖之上者爲絳巖山最其特然爲一州之鎮者又有茅山焉而岷山中江逕蕪湖漂陽以入子荆溪太湖則又禹貢所謂三江既入震澤底定者其他一丘一壑擅名紀勝咸有可徵傳曰國主山川攷古今覽形勢作山川志

山阜

鍾山一名**蔣山**在城東北一十五里周廻六十

里高一百五十八丈東連青龍山西接青溪南

有鍾浦下入秦淮北接雉亭山漢末有秣陵尉

蔣子文逐盜死事于此吳大帝爲立廟封曰蔣

侯大帝祖諱鍾因改曰蔣山

見前蔣山圖攷

石頭山在城西二里按輿地志環七里一百步

緣大江南抵秦淮口去臺城九里

宮苑記周顯王三十九年

楚威王滅越置金陵邑即石頭城江乘地記云石頭城山嶺障千里相重若一游歷者以爲吳

之石城猶楚之九疑也山上有城因以為名漢
建安十六年吳孫權修理改名石頭城用貯軍
糧器械子清涼寺西是也川陽記石頭城吳時
悉土塢義熙初始加埭累甃因山以為城因江
以為池地形險固尤有奇勢亦謂之石首城也
六朝記吳孫權沿淮立柵又於江岸必爭之地
築城名曰石頭常以腹心大臣領守之今石城
故基乃楊行密稍遷近南夾淮帶江以盡地利
其形勢與長干山連接晉伐吳王濬以舟師沿
江而下自三山抵石城自晉室中興常為險要
以爭之地王氏舉兵明帝以溫嶠守石頭石城
之東有巨石衍呼為塘岡乃王敦害周顗戴淵
虔又蘇峻攻大業壘陶侃將救之殷羨曰若救
大業步兵不如峻但當急攻石頭峻必救之大
業自解侃從之峻果棄大業而救石頭孫恩至
京口元顯守石頭安帝時宋高祖討盧循曰賊
衆我寡分其兵則測人虛實若聚衆石頭則衆
力不分遂移鎮石頭魏主南侵文帝登石頭城

極望謂江灌曰向使檀道濟在虜敗犯吾境邪
石頭倉城在石頭城內元嘉二十七年魏人至
瓜步丹楊尹徐湛之守石頭倉城沈攸之事起
齊高帝遣戴僧靜將腹心至石頭經畧來聚時
蘇烈守倉城門僧靜射書與烈夜縋入城大明
中以其地為離宮景和元年修為長樂宮齊武
帝為世子即以爲世子宮後多以諸王鎮之陳
武帝與諸軍討侯景景登石頭城望官軍之盛
不悅乃以舟舫則石沈塞淮口緣淮作城自石
頭迄青溪十餘里樓雉相接帝於石頭城西橫
壟築柵直出東北悉力乘之早遂大潰徐嗣徽
招北齊兵至闕下柳達摩等石頭陳霸先於
石頭南北岸絕其汲路又湮東門城中諸井
達摩請和許之霸先陳兵石南門送齊人北
歸及至皆誅死陳宣帝大建二年其城復加修
築以貯軍食隋平陳置爲蔣州城輔公拓擴江
東用爲揚州公拓平又於城置揚州大都督府
後移揚州於廣陵此城遂廢唐武后光宅中徐

敬業舉兵使其徒崔洪渡江守石頭敬業平分
軍三百人守之尋置為鎮仍徙縣倉實之韓泚
觀察江東西德宗狩梁州乃築石頭五城自京
口至土山修塢壁起建業抵京峴樓雉相望於
石頭城穿井皆百尺今五城遺址尚有李錡據
潤州屬別將庾伯良兵三千人築石頭城南徐
州記江乘縣西二里有大浦發源於石城山東
入大江此山與廬龍幕府諸山相連迤邐達于
京口又有石城塢石城
洞駐馬坡事見各類

覆舟山一名**龍山**又名**龍舟山**在城北七里周

回三里高三十一丈東際青溪北臨玄武湖狀

如覆舟因名輿地志山在樂遊苑內此山與鍾

中有石山之骨也宋武帝舉兵討桓玄玄將卞
範之屯覆舟山西宋武疑有伏兵遣劉鍾往果

有休兵數百元嘉改名玄武山以其在城之北也陳高祖時齊兵踰鍾山高祖衆軍分頓樂遊苑東及覆舟山北斷其衝要齊軍至玄武湖西北幕府山南將擄北郊壇衆軍自覆舟東移頓郊壇北與齊人相對縱兵大戰即此地宣帝大建七年幸樂遊苑採甘露宴群臣詔龍舟山立甘露亭鮑昭有侍宴覆舟山詩官苑記云閶風亭甘露亭瑤臺皆在山上藏水井在山北

雞籠山在城西北六七里高三十丈周廻一十

里輿地志云在覆舟山西二百餘步狀如雞籠

因名寰宇記云西接落星澗北臨栖玄塘宋改名龍山以黑龍常見玄武湖山正臨湖上

故名元嘉十五年立儒館於北郊命雷次宗居之次宗因開館於雞籠山齊高帝嘗就次宗受

禮及左氏春秋竟陵王子良嘗移居雞籠山下集四學士抄五經百家為四部要畧千卷晉元

明成哀四帝陵皆在山南古有佛寺五云

祇闍山慶元志在雞籠山西有祇闍寺今廢

幕府山在城西北二十里周廻三十里高七十

丈輿地志在臨沂縣東八里晉元帝自廣陵渡

江丞相王導建幕府此山因名山上有虎跑泉

其西巔有僊人臺其北俗傳即古之宣武塲也

寰宇記在城西北東北臨直瀆浦西接寶林山南接蟹浦山有五峯南接盧龍石頭鳳臺宋元

嘉二十七年魏人入寇至瓜步帝登幕府山觀望形勢三國典略齊師伐梁至于鍾山龍尾周

文育請戰陳霸先曰兵不逆風文育曰事急矣何用古法抽槊上馬殺傷數百人齊軍乃退屯

幕府山霸先衆軍自覆舟來移頓郊壇與齊人相對霸先自率麾下出幕府山南與吳明徹沈泰等首尾擊之齊人大潰後主禎明中嘗幸此山校獵宋明帝高寧陵在山西晉王導溫嶠亦葬山西石邁古迹編寶林寺北有夾蘿峯一名翠蘿峯有石路通行以藤蘿交蔓名

廬龍山在城西北二十五里周廻一十二里高

三十六丈東有水下注平陸西臨大江今張陳

湖北岡隴北接靖安皆此山也事迹圖經在城西北十六里周

五里晉元帝初渡江見此山嶺縣延遠接石頭真江上之関塞以比北地廬龍因名此山與馬

鞍山相接氣勢雄包自秦鑿爲二後置都船塲聖妃廟其間至今溝内石骨連焉

馬鞍山在城西北十里西臨大江東與石頭城

接高十五丈以形似得名

舊志陳禎明三年宜黃侯慧紀遣南康太

守魯肅以鐵鎖橫江隋楊素與魯肅爭馬鞍山四十餘戰隋兵死者五千人指爲此地今攷之

史傳陳無魯肅慧紀所遣者南康內史呂忠肅所爭馬鞍山乃在巫峽間非此地山名偶同耳

四望山在城西北一十里周廻三里高一十七

丈東至龍安西臨大江南連石城北接廬龍山

吳大帝嘗與葛玄共登鳳凰二年殺司市郎中陳聲投四望山下晉蘇峻反溫嶠於四望磯築

壘以逼賊觀

大壯觀山在城北一十八里周廻五里高二十

八丈東連蔣山西有水下注平陸南臨玄武湖

北臨蠡湖

陳宣帝起大壯觀於此山因名大建十一年八月幸大壯觀因大閱武命

都督任忠領步騎十萬陣於玄武湖上登玄武門觀宴群臣因幸樂遊苑設絳竹之會重幸大

壯觀振旅而還

直瀆山

在城北三十五里周廻二十五里高一

十七丈旁有直瀆洞東西有水流入大江

以上諸山

皆在鍾山之右自城北縣亘達于城西

臨沂山

在城東北四十里周廻三十里高四十

丈東北接落星山西臨大江西南有臨沂縣城

雉亭山

在城東北四十里周廻六里高五十丈